

ادبیات کمونیستی مجبوری

هفته لقی سیاسی ، ادبی و علمی غزته در .

جلد : ۱

سنه : ۱ ۱۷ ربیع الآخر ۱۳۳۵ جمعه ایرتسی ۲۸ کانون ثانی ۱۳۳۲ نومرو ۱۵

اسویچره خاطرائی

۷ اغستوس .

بوکون بر طغیان ضیا وار . اوتلاردن ، کوشکاردن هرکس مائی کوزلکر طاقه رق دیشاری
چیقور . چاملر ، شمسیه لک آغاچلر کولک لک ایده میور .

بوکون طاغیرلر دها یوکک ، دها مهیب ، دها شاهانه !... ایکی ساعت قدر اولدیجه دیک بر
شاهقه یه چیقدق . بیک سکز یوز مترو مرتفعز . مشهود اولان منظره دونکینک عینی ، یالکز دون
غربدن ، بوکون شرق جهتدن باقییورز . زیر نظریمزده هپسی فرانسز اوله رق ۲۸۱۰۰۰ نفوسی
خاوی قانتون دووو کورینیور . کوک یوزندن ، طاغ باشلاردن اینان عظیم و عمیق بر سکونت بوتون
بر قطعه نک اوزرنده طورییور ! بیلیم نه قدر وقت کچدی .

کونش مغربه تمایل ایدیور . صباحدن بری تنی حرارت شمسک تهییج ایتدیکی سما شرقده
نوشاقل لاقنک ایچنده بیقرار اوله رق مشهود . غربده اوزاقدن اوزاغه کورینان لامه لاقنک اوزرنده کی
سیس آلتون رنکته تحول ایتکده . یوقازیدن ایندکجه درینلشن نظرافقلزده یینه یوکسلمکه باشلایه رق
آپ طاغیرلر شواهنه بی تاب اوله رق یتیشیور . شنیدی بولندییم نقطه ده سما بنده یتیشور ، کره
ارض بندن باشلیور !

۱۵ اغستوس .

بوکون روشه دونییه دوغری یوکسلنیورز . غایت منتظم بر یولی تعقیب ایتدکجه چام اورمانلرینک
اره سنده غائب اولوب یینه چیقیورز . یوکسلدکجه هر آن هوا دها صاف ، دها شفاف ، بر آزما یع .
هوا یی یالکز تنفس دکل ، ایچنده بر ایکی دامله کونش اولدینی حالده ایچیلیور .

طاغیردن سقوط ایدن نظرلر شهرلری ، کویلری ، نهرلری ، وادیلری ، اورمانلری ایاغمزک آلتنده ،
ینه کوکدن طاغ باشلرینه اینه رک اوستلرنده طوران مهیب و بی پایان سکونت ایچنده کوریور .

شو برقاج کون طرفنده هستی خا کدانیدن تجردله حضور پر نور سمایه چیقدم . و او یل که کوک
ارضک شواهنده دولاشدییم بوکونلرده سماده کیمسه یی بولدم . هیچ کیمسه یوقدی . یالکز آی

بعد لاتناهی ایچنده غریب و تنهاره کندر لاجوردی وابدیسنده عاشق اولدینی کونشی تعقیب ایدیور ،
کونشده اونک اقلردن ظهورینی کورنجه وجهنده بر حیرت حجاب عصمتله حرمسرای استتارینه چکیلیوردی .

طاغ باشلرینک حوادی

آشاغیده، شهرلرده، کویلرده، دکزکنارلرنده بلوطلر نه بویوک بر ارتفاع، اوچه اوچه پیوسته
سحاب اولان قوشلر نه یوکسک بر اعتلادر. حالبوکه بورادن او اعتلایه انحنایله باقیلیور. بوشواهقه
رسیده اوله میان او سحاب ایکمینجه کورولیور. قنادلرک حقوقی سرحد زمین اولان بوطاغ باشلرنده
نهایت بولویور. یالکز قرتال! آره صره بورالرده اوچدینی کوریلیور. یالکز اوچوشمق دکل! سرحد
ارضده کوکلرک محافظی! دون اوتلده سویلیورلردی، بزم بولندیغمزیرلر کبی بیک بشیوز ایکی
بیک ایکی یوز دکل، اوچ بیک، درت بیکیدی یوزمترو ارتفاعنده برقیانک اوزرینه چیقان سیاحه
هجوم ایتمش، برمدت مجادله دن صوکره سیاحی قیالردن بی نهایت بر اوچورومه آتمش. اوچ سینه اول
مادریده کلک اوزره پیرنه طاغلرینک اوزرندن کچن بر طیاره یه هجوم ایله ساعتلرجه محاربه ایتشدی.
دیدیکم کبی دهها ایکی بیک مترویه ارتفاع ایدنجه مصاحبه لر، مکالمه لر، معامله لرده ده کیشیور.
بیایدیکمز اک بویوک شهرلرک، نفوسجه اک غلبه لقی قوملرک اهمیتتی درجه درجه کوچولیور. قونوشورلرکن
اشاغیده انکترده انکلزلر ایرلاندا لیلری سوقاقلرده، بولدقلری یرلرده اولدوریور، آصیور،
قتل عام ایدیورلرمش. اشاغیده فرانسه ده، ایکی یچق سینه دنبری صنعی بر مطبوعات، صنعی بر محیط، بر هوای
نسیمی وجوده کتورمشلر. او قودقلری یالان، ایشیتدکلری، کوردکلری یالان، تنفس ایتدکلری یالان! احوال
جویه وهوائیه ده ایله! اشاغیده کی (۱) شهرلرده شیمندوفرلری، تراموایلری، بوتون حرکات
عمومیه بی دور دوران، غزته لری فریاد ایتدیرن صوک بهار سیدلری طاغ باشلرندن باقیلنجه بر
آووج بلوط! بورادن انسانک الندن چیقمش معمولات و مصنوعات سراسره دکل، وقوعات و مقدرات
بشره بیله «قوش باقیشی» باقیلیور. اشاغیده کیلرک بالای سرتدن کچن شیلر، بورانک زیر پاینده.
کونش باتمشدی. بولندیغم سداک تا اوزهرنده اسویچه. طاغلرنده شاله دیدکلری بر اخشاب
بنا واردی. بنانک اوکنده کی نخته پیکه نك اوستنده بر آدم، النده دکنک کبی اوزون بر شیه
اوغراشییوردی. غالباً قوالی تعمیر ایدیور، غایت بیاض و اوزون توپلی اوچ درت کچی ایله
هنوز کلش بر چوجق سداک اشاغی یه میال کنارنده اوتوریوردی. بردنبره بو آدمه بوجوجغک
ماکنه لی او یونجاق کبی باشلری چوریلرک تا اوزاقلره نصب نگاه ایله بی حرکت دوردیله. اوراده
اولدقلری حالده مرحله لر، مساحه لر، مسافه لرله بندن اوزاقلاشدیله. کچیلرک بیاض توپلری خفیف
بر مائی رنکه تحول ایتدی. باشمی چویردم. بر برندن یوکسله یوکسله سمانک ایچنده غائب اولوب
الپ سلسله جبالنک اوزرنده بی حدوبی پایان بیایدیلر بارلیور. کیجه نك اک اوزاق یرلرنده زمین
ایله ارتباطی حس ایدلیان یوکسک طاغلرک شواهی بیایدیلرک اوستنده کورینیوردی. ایچی
بیایدیلرله طولی ایجه مائی تول کبی بر طبقه سما، چایلرک اوزرینه و بنم یاغمه اینهرک اهتراز
ایتمکده و بعضاً بر اوجی یوزمه دوقونمقده ایدی. نه اقتدار تصور، نه تاب تخیل، یالکز کوزلرم
آچیلوب قیاندجه بشقه عواله انکشاف ایلکده سیار وبی قرار جخلر کورییوردی.

(۱) بورالرده، درجه ارتفاعی بزمه مساوی و یابزدن یوکسک اولیان قطعات علامدن «اشاغیده»

دیه بحث ایدیور.